

才調集

埽葉山房印行

才調集卷第三

蜀監察御史韋穀集

古律雜歌詩一百首

韋莊六十三首

鈍吟云韋相詩聲調高亮不用晚唐人細碎苦澀工夫是此書律詩法也○韋詩調響與晚唐諸家不同大略不宜多才弱也七言四韻平平說去道動人

關山

鈍吟云七言近體

馬嘶煙岸柳陰斜東去一作回首關山路轉賒到處因循緣嗜酒一生惆悵為判花  
危時祇合身無着白日那堪事有涯正是灞陵春耐綠仲宣何事獨辭家

舊里

滿目牆匡春草深傷時傷事更傷心車輪馬跡一時盡十二玉樓何處尋

思歸

暖絲無力自悠揚牽引東風斷客腸外地見花終寂寞異鄉聞樂更淒涼紅垂  
野岸櫻還熟綠染迴汀草又芳舊里若為歸去好子期凋謝呂安亡

與東吳生相遇

及第後出關作

十年身事各如萍  
白首相逢淚滿襟  
老去不知花有態  
亂來唯覺酒多情  
貧疑陋巷春偏少  
貴想豪家月倍明  
且一作獨對一尊開口笑  
未衰應見泰階平

章臺夜思

清瑟怨遙夜  
遶弦風雨哀  
孤燈聞楚角  
殘月下章臺  
芳草已云暮  
故人殊未來  
鄉書不可寄  
秋鴈又南迴

延興門外作

芳草五陵道  
美人金犢車  
綠奔寄內水  
紅落過牆花  
馬足倦遊客  
鳥聲歡酒家  
王孫歸去晚  
宮樹欲棲鴉

關河道中作

槐陌蟬聲柳市風  
驛樓高倚夕陽東  
往來千里路長在  
聚散十年人不同  
但見時光流似箭  
豈知天道曲如弓  
平生志業匡堯舜  
又擬滄浪學釣翁

秋日蚤行

上馬蕭蕭襟袂涼  
路穿禾黍遠宮牆  
半山殘月露華冷  
一岸野風蓮萼香  
煙外

驛樓紅隱隱，渚邊雲樹暗。蒼蒼行人自是心，如火兔走鳥飛不覺長。

歎落花

一夜霏微露溼煙，曉來和淚喪嬋娟。不隨殘雪埋芳草，盡逐香風上舞筵。西子去時遺笑靨，謝娥行處落金鈿。飄紅墮白堪惆悵，少別穠華又隔年。

灞陵道中

春橋南望水溶溶，一桁晴山倒碧峰。秦苑落花零露溼，灞陵新酒撥醅濃。青龍天矯盤雙闕，鳳丹雘褰隔九重。萬古行人離別地，不堪吟罷夕陽鐘。

貴公子

大道青樓御苑東，玉闌仙杏壓枝紅。金鈴犬吠梧桐院。

默云院一作影影妙于院院字今人改月字不

知下有夕陽字則月字說不去

朱鬣馬嘶楊柳風，流水帶花穿巷陌。夕陽和樹入簾櫳。

鈍云何言夕陽

耶又云夕陽句寒

瑤池宴罷歸來醉，笑說君王在月宮。

惜昔

默云昔

昔年曾向五陵遊，子夜歌清月滿樓。銀燭樹前長似晝，露桃花裏不知秋。西園

公子名無忌，南國佳人號莫愁。今日亂離俱是夢，夕陽唯見水東流。

默云惜昔

鈍云韋公詩篇篇有



陽夕

春日

忽覺東風

一作君

景漸遲野梅山杏暗芳菲落星樓上吹殘角偃月營中掛夕暉

旅夢亂隨蝴蝶散離魂

一作情

漸逐杜鵑飛紅塵遮

一作望

斷長安陌芳草王孫暮

不歸

對梨花贈皇甫秀才

林上梨花雪壓枝獨攀瓊豔不勝悲依前此地逢君處還是去年今日時且戀殘陽留綺席莫推紅袖訴金卮騰騰戰鼓正多事須信明朝難重持

立春

青帝東來日馭遲煖煙輕逐曉風吹罽袍公子樽前覺錦帳佳人夢裏知雪圃乍開紅菜甲綵幡新翦綠楊絲殷勤為作宜春曲題向花牋帖繡楣

春陌二首

滿街芳草卓香車仙子門前白日斜腸斷東風各回首一枝春雪凍梅花嫩煙輕染柳絲黃勾引花枝笑凭牆馬上王孫莫回首好風今逐羽林郎

春愁二首

自有春愁正斷魂，不堪芳草思王孫。  
落花寂寂黃昏雨，深院無人獨倚門。  
寓思本多傷，逢春恨更長。  
露啼湘竹淚，花墮越梅妝。  
睡怯交加夢，閑傾潋灩觴。  
後庭人不到，斜日上松篁。

陪金陵府相中堂夜宴

滿耳笙歌滿眼花，滿樓珠翠勝吳娃。  
因知海上神仙窟，只似人間富貴家。  
繡戶夜攢紅燭，市舞衣晴曳碧天霞。  
卻愁宴罷青娥散，揚子江頭月半斜。

臺城

江雨霏霏江草齊，六朝如夢鳥空啼。  
無情最是臺城柳，依舊煙籠十里堤。

歲宴同左生作

歲暮鄉關遠，天涯手重攜。  
雪埋江樹短，雲壓夜城低。  
寶瑟湘靈怨，清砧杜魄啼。  
不須臨皎鏡，年長易淒淒。

夜雪汎舟遊南溪

大江西面小溪斜，入竹穿松似若耶。

默云夜雪

兩岸嚴風吹玉樹，一灘明月曬銀砂。

汎

野渡逢漁舍更泊前灣上酒家去去不知歸路遠棹聲煙裏獨嘔啞

謁巫山廟

亂猿啼處訪高唐路入煙霞草木香山色未能忘宋玉水聲猶似哭襄王朝朝

暮暮陽臺下為雨為雲楚國亡惆悵廟前多少一作無限柳春來空闢畫眉長

鷓鴣

南禽無侶似相依錦翅雙雙傍馬飛孤竹廟前啼暮雨汨羅祠畔弔殘暉秦人  
只解歌為曲越女空能畫作衣懊惱澤家非有恨年年長憶鳳城風一作歸歸一作懊惱澤家

鷓鴣之音也

歲除對王秀才作

我惜今宵促君愁玉漏頻豈知新歲酒猶作異鄉身雪向寅前凍花從子後春  
到明追此會俱是隔年人

章江作

社陵歸客正徘徊玉笛誰家叫落梅之子棹從天外去故人書自日邊來楊花  
慢惹霏霏雨竹葉閑傾滿滿杯欲問維揚一作旌陽舊風月一江紅樹亂猿哀

南昌晚眺

南昌城郭枕江煙，章水悠悠浪拍天。  
芳草綠遮仙尉宅，落霞紅襯賣人船。  
霏霏閣上千山雨，嚶嚶雲中萬樹蟬。  
怪得地多章句客，庾家樓在斗牛邊。

衢州江上別李秀才

千山紅樹萬山雲，把酒相看日又曛。  
一曲離歌兩行淚，更知何地再逢君。

癸丑年下第獻新先輩

五更殘月省牆邊，絳旆霓旌卓曉煙。  
千炬火中鶯出谷，一聲鐘後鶴冲天。  
皆乘駿馬先歸去，一作爭先到獨被羸童笑晚眠。  
對酒暫時晴豁爾，見花依舊涕潸然。  
未酬闕澤傭書債，猶欠君平賣卜錢。  
何事欲休休不得，來年公道似今年。

咸陽懷古

城邊人倚夕陽樓，城上雲凝萬古愁。  
山色<sup>點</sup>不知秦苑廢，水聲空傍漢宮流。  
李斯<sup>點</sup>不向倉中悟，徐福應無物外遊。  
莫怪楚吟偏斷骨，野煙蹤跡似東周。

綏州作

雕陰無樹水東流，雉堞連雲古帝州。  
帶雨晚駝鳴遠戍，望鄉孤客倚高樓。  
明妃<sup>點</sup>



去日花應笑云綠州蔡琰歸時鬢已秋一曲單于暮烽起扶蘇城上月如鉤

和同年韋學士華下途中見寄

綠楊城郭雨淒淒過盡千輪與萬蹄送我獨遊三蜀路羨君新上九霄梯馬驚門外山如活花笑尊前客似泥正是清和好時節不堪離恨劍門西

丙辰年鄜州遇寒食城外醉吟七言五首

滿街楊柳綠絲煙畫出清明二月天好是隔簾花樹動女郎撩亂送鞦韆  
雕陰寒食足遊人金鳳羅衣溼麝薰腸斷入城芳草路澹紅香白一羣羣  
開元坡下日初斜拜掃歸來走鈿車可惜數枝紅豔好不知今夜落誰家  
馬驕風疾玉鞭長過去惟留一陣香間客不須燒破眼好花皆屬富家郎

雨絲煙柳欲清明金屋人閑煖鳳笙永日一作畫

默云築令人改作蹴不  
知古人打毬用馬用杖

迢迢無一事隔街聞築氣毬聲

鄜州留別張員外

江南相送君山下塞北相逢朔漠中三楚故人皆是夢十年陳事只如風莫言身世他時異且喜琴樽數日同惆悵卻愁明日別馬嘶山店雨濛濛

汧陽縣閣

默云臨水大橋橫截數里者兩岸及橋俱有數間土人即稱曰閣浙閩皆然

汧水悠悠去似緋遠山如畫翠眉橫僧尋野渡歸吳嶽鴈帶斜陽入渭城邊靜不收蕃帳馬地貧惟賣隴山鸚鵡牧童何處吹羌笛一曲梅花出塞聲

傷灼灼

灼灼蜀之麗人也近聞貧且老殂落子成都酒市中因以四韻弔之

嘗聞灼灼麗於花雲髻盤時未破瓜桃臉慢長橫綠水玉肌香膩透紅紗多情不住神仙界薄命曾嫌富貴家流落錦江無處問斷魂飛作碧天霞

漢州

北儂初到漢州城郭邑樓臺觸目驚松桂影中旌旆色菱荷風裏管絃聲人心不似經離亂時運還應卻太平十日醉眠金鴈驛臨歧無限臉波橫

長安清明

蚤是傷春夢雨天可堪芳草更芊芊默云清明內官初賜清明火長安上相閑分白打錢紫陌亂嘶紅叱撥綠楊高映畫鞦韆遊人記得承平事暗喜風光似昔年

秋霽晚景

秋霽禁城晚六街煙雨殘牆頭山色健林外鳥聲歡翹日樓臺麗清風劍珮寒

五人襟袖薄斜凭翠闌干

和人春暮書事寄崔秀才

半掩朱門白日長晚風輕墮落梅妝不知芳草情何限只怪遊人思易傷纔見  
蚤春鶯出谷已驚新夏燕巢梁相逢只賴如灑酒一曲狂歌入醉鄉

多情

一生風月供惆悵到處煙花恨別離止竟多情何處好少年長抱長年悲

邊上逢薛秀才話舊

前年同醉武陵亭絕倒閑譚坐到明也有絳唇歌白雪更憐紅袂奪金觥秦雲  
一散如春夢楚市千燒作故城今日瞠然對芳草不勝東望涕交橫

飲散呈主人

夢覺笙歌散空堂寂寂秋更聞城角暮煙雨不勝愁

使院黃葵花

薄妝新着淡黃衣對捧金鑪侍醺遲向日似矜傾國貌倚風如唱步虛詞乍開  
檀炷疑聞語試與雲和必解吹為報同人看來好不禁秋露即離披

日宋本  
作月

搖落

搖落秋天酒易醒  
淒淒長似別離情  
黃昏倚柱不歸去  
腸斷綠荷風雨聲

奉和觀察郎中春暮憶花言懷見寄四韻之什

天畔峨眉簇簇青  
楚雲何處隔重局  
落花帶雪埋芳草  
春雨和風溼畫屏  
對酒莫辭衝暮角  
望鄉誰解倚高亭  
唯君信我多惆悵  
只願陶陶不願醒

奉和左司郎中春物暗度感而成章

纔喜新春已暮春  
夕陽吟殺倚樓人  
錦江風散霏霏雨  
花市香飄漠漠塵  
今日尚追巫峽夢  
少年應遇洛川神  
有時自患多情病  
莫是生前宋玉身

少年行

五陵豪客多買酒  
黃金殘醉下酒家  
樓美人雙翠  
憶揮劍邯鄲市走馬梁王苑  
樂事殊未央  
年華已云晚

令孤亭絕句

若非天上神仙宅  
須是人間將相家  
想得當時好煙月  
管絃吹殺後庭花

閏月

鈍吟云  
清迴

歡云

明月照前除煙華蕙蘭溼清風行處來白露寒蟬急美人情易傷暗上紅樓立  
欲言無處言但向姮娥泣

閨怨

戚戚彼何人明眸利於月啼妝曉不乾素面凝香雪良人去溜石鏡破金簪折  
空藏蘭蕙心不忍琴中說

上春詞

曠隴赫日東方來禁城煙煖蒸青苔金樓美人花屏開晨妝未罷車聲催幽蘭  
報暖紫芽坼天花愁豔蝶飛迴五陵年少惜花落酒濃歌極翻如哀四時輪環  
終又始百年不見南山推遊人陌上騎生塵顏子門前吹死灰

擣練篇

月華吐豔明燭燭青樓婦唱擣衣曲白紵絲光織魚目菱花綬帶鴛鴦簇臨風  
縹緲疊秋雪月下丁冬擣寒玉樓蘭欲寄在何鄉憑人與繫征鴻足

雜體聯錦



攜手重攜手夾江金線柳江上柳能長行人戀尊酒尊酒意何深為郎歌玉簪  
玉簪聲斷續鈿軸鳴雙轂雙轂去何方隔江春樹綠樹綠酒旗高淚痕沾繡袍  
袍縫紫鵝溼重持金錯刀錯刀何燦爛使我腸千斷腸斷欲何言簾動真珠繁  
真珠綴秋露秋露沾金盤金盤湛瓊液仙子無歸跡無跡又無言海煙空寂寂  
寂寂古城道馬嘶芳草岸岸草接長堤長堤人解攜解攜忽已久緬邈空回首  
回首隔天河恨唱蓮塘歌蓮塘在何許日暮西山雨

### 長安春

長安二月多香塵六街車馬聲轉轉家家樓上如花人千枝萬枝紅豔新簾開  
笑語自相問何人占得長安春長安春色本無主古來盡屬紅樓女如今無奈  
杏園人駿馬輕車擁將去

### 撫楹詩

鈍吟云不好○此首不知何所刺若直詠崔子  
不應用漳浦事鑾輿翠華等字亦用不得也

鳳穀兮鴛綃霞疎兮綺寮玉庭兮春晝金屋兮秋宵愁瞳兮月皎笑頰兮花嬌  
羅輕兮濃麝室煖兮香椒鑾輿去兮蕭肩七絲斷兮沈寥主父卧兮漳水君王

幸兮雲輶鉛華窅窅兮穠姿棠公貯蠻兮靡依翠華長逝兮莫追晏相望門兮  
空悲

贈峨眉山彈琴李處士

識者咸云數百歲有常建贈詩在

純吟云唐李歌行多不耐看此書所存皆有致此太白飛卿所未有也

峨眉山下能琴客似醉似狂人不測何須見我眼偏青未見我身頭已白茫茫  
四海本無家一片愁雲颺秋碧壺中醉卧日月明一作長世上長遊天地窄晉朝  
叔夜舊相知蜀郡文君小來識後生常建彼何人贈我篇章苦雕刻名卿名相  
盡知音遇酒遇琴無間隔如今世亂獨脩然天外鴻飛招不得余今正泣楊朱  
淚八月邊城風刮地霓旌絳旆忽相尋為我樽前橫綠綺一彈猛雨隨手來再  
彈白雪連天起淒淒清清松上風咽咽幽幽隴頭水吟蜂遶樹去不來別鶴引  
雛飛又止錦麟不動惟側頭白馬仰聽空豎耳廣陵故事無人知古人不說今  
人疑子期子野俱不見烏啼鬼哭空傷悲坐中詞客悄無語簾外月華庭欲午  
為君吟作聽琴歌為我留名係仙譜

江皋贈別

金管多情恨解攜一聲歌罷客如泥江亭繫馬綠楊短野岸維舟春草齊帝子  
夢魂烟水闊謝公詩思碧雲低風前不用頻揮手我有家山白日西

李山甫八首

寒食二首

柳凝東風一向斜春陰澹澹濛人家有時三點雨鈍云畫出寒食到處十枝花萬井  
樓臺疑繡畫九原珠翠似煙霞年年今日誰相問獨卧長安泣歲華  
風煙放蕩花披猖鞦韆女兒飛出牆繡袍馳馬撥遺翠錦袖鬪雞喧廣場天地  
氣和融霽色池臺日暖燒春光自憐塵土無多事空脫荷衣泥醉鄉

牡丹

鈍吟云名篇司空表聖  
極稱此首○洗拔之極

邀勒春風不早開衆芳飄後上樓臺數苞仙豔火中出一片異香天上來曉露  
精神妖欲動暮煙情態恨成堆知君也解相輕薄斜凭闌干首重回

寓懷

鈍吟云今日光  
景寫出宛然

萬古交馳一片塵思量名利孰如身長疑好是皆虛事卻恐閑人是貴人老逐少來終不放辱隨榮後直須勻勸君莫謾誇頭角夢裏輸贏總未真

公子家二首

曾是皇家幾世侯入雲高第照神州柳遮門戶橫金鎖花擁絃歌咽畫樓錦裀妒姬爭巧笑玉銜驕馬索閑遊麻衣酷獻平生業醉倚春風不點頭柳底花陰露壓塵瑞煙輕罩一園春鴛鴦占水能嗔客鸚鵡嫌龍解罵人騾裏似龍隨日換輕盈如鷺逐年新不知買盡長安笑活得蒼生幾戶貧

上元懷古二首

南朝天子愛風流盡守江山不到頭總是戰爭收拾得卻因歌舞破除休堯將道德終無敵秦把金湯可自由試問繁華何處在雨苔煙草石城秋爭帝圖王德盡衰驟興馳霸亦何為君臣都是一場笑家國共成千載悲排岸遠檣森似槩落波殘照赫如旗今朝城上難回首不見樓船索戰時

李洞五首

終南山二十韻